

十三經古注

八

春秋穀梁傳

中華書局

〔漢〕鄭玄等注

十三經古注

八

春秋穀梁傳

中華書局

圖書在版編目(CIP)數據

十三經古注/(漢)鄭玄等注. —北京:中華書局,2014.5
ISBN 978-7-101-10102-7

I. 十… II. 鄭… III. ①經學②《十三經》-注釋
IV. Z126.2

中國版本圖書館 CIP 數據核字(2014)第 075008 號

責任編輯:張繼海

十三經古注

(全十一冊)

[漢]鄭玄等注

*

中華書局出版發行

(北京市豐臺區太平橋西里 38 號 100073)

<http://www.zhbc.com.cn>

E-mail:zhbc@zhbc.com.cn

北京瑞古冠中印刷廠印刷

*

880×1230 毫米 1/16·147¼印張·3000 千字

2014 年 5 月第 1 版 2014 年 5 月北京第 1 次印刷

印數:1-1200 冊 定價:490.00 元

ISBN 978-7-101-10102-7

本冊目錄

春秋穀梁傳	一七六五
春秋穀梁傳序	一七六五
春秋穀梁傳目錄	一七六七
卷一	
隱公元年至三年	一七六九
卷二	
隱公四年至十一年	一七七五
卷三	
桓公元年至七年	一七八一
卷四	
桓公八年至十八年	一七八七
卷五	
莊公元年至十八年	一七九三
卷六	
莊公十九年至三十二年	一八〇三
閔公元年至二年	一八一〇
卷七	
僖公元年至五年	一八二三
卷八	
僖公六年至十八年	一八二九
卷九	
僖公十九年至三十三年	一八二七
卷十	
文公元年至八年	一八三七
卷十一	
文公九年至十八年	一八四三
卷十二	
宣公元年至十八年	一八四九
卷十三	
成公元年至八年	一八五九
卷十四	
成公九年至十八年	一八六五
卷十五	
襄公元年至十五年	一八七一
卷十六	
襄公十六年至三十一年	一八七九
卷十七	
昭公元年至十三年	一八八七

卷十八

昭公十四年至三十二年……………一八九五

卷二十

哀公元年至十四年……………一九一三

卷十九

定公元年至十五年……………一九〇三

〔著者小傳〕范甯，晉順陽人。字武子。少篤學，官至豫章太守。勤學不輟，以《春秋穀梁》未有善釋，沈思積年，爲之集解。其義精審，爲世所重。

春秋穀梁傳

四部備要

經部

上海中華書局據永懷堂

本校刊

桐鄉 陸費達 總勘

杭縣 高時顯 輯校

杭縣 吳汝霖 監造

版權所有不許翻印

春秋穀梁傳序

晉范甯武子撰

昔周道衰陵乾綱絕紐禮壞樂崩彝倫攸斁弑逆篡盜者國有淫縱破義者比肩是以妖災因釁而作民俗染化而遷陰陽爲之愆度七曜爲之盈縮川岳爲之崩竭鬼神爲之疵厲故父子之恩缺則小弁之刺作君臣之禮廢則桑扈之諷興夫婦之道絕則谷風之篇奏骨肉之親離則角弓之怨彰君子之路塞則白駒之詩賦天垂象見吉凶聖作訓紀成敗欲人君戒愼厥行增修德政蓋誨爾諄諄聽我藐藐履霜堅冰所由者漸四夷交侵華戎同貫幽王以暴虐見禍平王以微弱東遷征伐不由天子之命號令出自權臣之門故兩觀表而臣禮亡朱干設而君權喪下陵上替僭逼理極天下蕩蕩王道盡矣孔子覩滄海之橫流迺喟然而歎曰文王既沒文不在茲乎言文王之道喪興之者在己於是就大師而正雅頌因魯史而修春秋列黍離於國風齊王德於邦君所以明其不能復雅政化不足以被羣后也於時則接乎隱公故因茲以託始該二儀之化育贊人道之幽變舉得失以彰黜陟明成敗以著勸誡拯頽綱以繼三五鼓

芳風以扇遊塵一字之褒寵踰華袞之贈片言之貶辱過市朝之撻德之所助雖賤必申義之所抑雖貴必屈故附勢匿非者無所逃其罪潛德獨運者無所隱其名信不易之宏軌百王之通典也先王之道既弘麟感化而來應因事備而終篇故絕筆於斯年成天下之事業定天下之邪正莫善於春秋春秋之傳有三而爲經之旨一臧否不同褒貶殊致蓋九流分而微言隱異端作而大義乖左氏以鬻拳兵諫爲愛君文公納幣爲用禮穀梁以衛輒拒父爲尊祖不納子糾爲內惡公羊以祭仲廢君爲行權妾母稱夫人爲合正以兵諫爲愛君是人主可得而脅也以納幣爲用禮是居喪可得而婚也以拒父爲尊祖是爲子可得而叛也以不納子糾爲內惡是仇讎可得而容也以廢君爲行權是神器可得而闕也以妾母爲夫人是嫡庶可得而齊也若此之類傷教害義不可強通者也凡傳以通經爲主經以必當爲理夫至當無二而三傳殊說庸得不棄其所滯擇善而從乎既不俱當則固容俱失若至言幽絕擇善靡從庸得不並舍以求宗據理以通經乎雖我之所是理未全當安可以得當之難而自絕於希通哉而漢興以來瓊望

碩儒各信所習是非紛錯準裁靡定故有父子異同之論石渠分爭之說廢興由於好惡盛衰繼之辯訥斯蓋非通方之至理誠君子之所歎息也左氏豔而富其失也巫穀梁清而婉其失也短公羊辯而裁其失也俗若能富而不巫清而不短裁而不俗則深於其道者也故君子之於春秋沒身而已矣升平之末歲次大梁先君北蕃迴軫頓駕于吳乃帥門生故吏我兄弟子姪研講六籍次及三傳左氏則有服杜之注公羊則有何嚴之訓釋穀梁傳者雖近十家皆膚淺末學不經師匠辭理典據既無可觀又引左氏公羊以解此傳文義違反斯害也已於是乃商略名例敷陳疑滯博示諸儒同異之說昊天不弔大山其頽匍匐墓次死亡無日日月逾邁跂及視息乃與二三學士及諸子弟各記所識并言其意業未及終嚴霜夏墜從弟彫落二子泯沒天實喪予何痛如之今撰諸子之言各記其姓名名曰春秋穀梁傳集解

春秋穀梁傳目錄

卷一	隱公	盡三年
卷二	隱公	盡十一年
卷三	桓公	盡七年
卷四	桓公	盡十八年
卷五	莊公	盡十八年
卷六	莊公	盡三十二年
卷七	閔公	盡二年
卷八	僖公	盡五年
卷九	僖公	盡十八年
卷十	僖公	盡三十二年

卷十一	文公	盡八年
卷十二	文公	盡十八年
卷十三	宣公	盡十八年
卷十四	成公	盡八年
卷十五	成公	盡十八年
卷十六	襄公	盡十五年
卷十七	襄公	盡三十一年
卷十八	昭公	盡十三年
卷十九	昭公	盡三十二年
卷二十	定公	盡十五年

卷二十

哀公

盡十四年

春秋穀梁傳目錄

春秋穀梁傳卷一

晉豫章太守順陽范甯集解

明後學東吳金蟠較訂

隱公

元年春王正月

隱公之始年周王之正月也杜預曰凡人君即位欲其體元以居正故不言一年一月也

雖無事必舉正月謹始也謹君始公何以不言

即位言即位公成公志也成公志也成隱志焉成之言君之不

取爲公也言隱意不取魯君也公君也上君之

不取爲公何也將以讓桓也讓桓正乎曰不正長

姬春秋成人之美不成人之惡隱不正而成之何

也將以惡桓也顯○之惡鳥各反惡桓鳥路反不其

惡桓何也隱將讓而桓弑之則桓惡矣桓弑而隱

讓則隱善矣善則其不正焉何也據善無春秋貴

義而不貴惠惠謂信道而不信邪信申字古孝子

揚父之美不揚父之惡先君之欲與桓非正也邪

也雖然既勝其邪心以與隱矣終歸之於隱是已

探先君之邪志而遂以與桓則是成父之惡也兄

弟天倫也兄先弟後爲子受之父爲諸侯受之君

隱爲世子親受命於惠公已廢天倫而忘君父以

行小惠曰小道也弟先於兄是廢天倫若隱者可

謂輕千乘之國蹈道則未也未履居

三月公及邾儀父盟于昧

邾附庸之國昧魯地○邾音誅儀父凡人名字皆音甫後放此昧左氏作蔑

及者何內爲志焉爾魯也儀字也父猶傳也男

子之美稱也傳師傳附庸之君未王命劍爵其不

言邾子何也據莊十六年邾之上下古微未爵命

於周也魯國○上時掌反附不日其盟渝也以謹信

盟變故不日七昧地名也

夏五月鄭伯克段于鄆

段有徒衆攻之爲害必深故謹而月之鄆鄭地○鄆音偃

克者何能也能也何能也能殺也何以不言殺見段

之有徒衆也言鄭伯能殺則邦人不能殺之矣段鄭

伯弟也何以知其爲弟也殺世子母弟目君以其

目君知其爲弟也母弟同母弟也段弟也而弗謂

弟公子也而弗謂公子貶之也段失子弟之道矣

賤段而甚鄭伯也賤段謂不稱公子也何甚乎鄭

伯甚鄭伯之處心積慮成於殺也雅曰段特寵驕

伯不能防閑以禮教訓以道縱成其罪終致反于

鄙遠也猶曰取之其母之懷中而殺之云爾甚之

也。以段氏走乃至于郕去赤子而殺之乎。君殺大何
殺第故謹其地。然則爲鄭伯者宜奈何。緩追逸
賊。親親之道也。君親無將而必誅焉。此蓋臣子
恩。

秋七月天王使宰咺來歸惠公仲子之賵。

宰官咺名仲字子宋姓也。婦人以姓配字。期不忘
本。示不違同姓也。妾子爲君。則當稱諡。成風是也。

傳母以子氏。妾不得體。君故以子爲氏。平王新有
幽王之亂。遷于成周。欲崇禮諸侯。仲

子早卒。無由追贈之。故因仲子者何。惠公之母孝公
惠公之喪而來贈之。仲子者何。惠公之母孝公
之妾也。禮贈人之母則可。贈人之妾則不可。君子
以其可辭受之。其志不及事也。不書事。贈者何也。乘

馬曰賵。衣衾曰襚。貝玉曰含。錢財曰賻。四馬曰賵。乘
舍口實。○

乘輿證反。禮音送。舍戶
暗反。又作哈。賻音附。

九月及宋人盟于宿。

傳及者何。內卑者也。宋人外卑者也。卑者之盟不
日。卑者謂非卿大夫也。凡非卿
大夫盟信之與不。例不日。宿。邑名也。

冬十有二月祭伯來。

祭。祭側
界反。

傳來者來朝也。其弗謂朝何也。襄內諸侯。非有天
子之命。不得出會諸侯。不正其外交。故弗與朝也。

天子鐵內大夫有采。地謂之襄。襄內諸聘。聘弓鏃矢。不
出竟場。束脩之肉。不行竟中。有至尊者。不貳之也。
聘。遣所以結二國之好。將彼我之意。臣當稟命於
君。無私朝聘之道。○鏃。音候。又音侯。竟。本或作境。
場。音亦。遣。唯。季
反。好。呼。報。反。

公子益師卒。

傳大夫日卒。正也。君之卿佐。是謂股肱。股肱或虧
何。痛如卿之故。錄其卒日。以紀恩。

二年春公會戎于潛。

凡年首月。承於時。時承於年。文體相接。春秋因書
王以配之。所以見王者。上奉時。承天而下統正。萬
國之義。然春秋記事。有月而無時者。若王在時。則承
而不月。月繼春秋。則月而無時者。若王在時。則承
春而下。屬於月。文表年。始事莫之先。所以致恭而
不顯者。他皆放此。唯桓有月。無王。以見不奉王法。
禮。南蠻北狄。東夷西戎。皆底羌之別。

傳會者外爲主焉。爾知者慮。察安審危。義者行
者臨。

斷能仁者守。守必堅固。有此三者。然後可以出會。會
戎危公也。會而况會戎乎。

夏五月莒人入向。

入。例時惡甚。則日。次惡則月。他皆
放此。○向。舒亮反。惡。烏各反。並同。

傳入者內弗受也。罪則義小。苟不以向。我邑也。自
魯我言故。

無佞帥師入極。

二千五百人爲師○後音

入者內弗受也極國也諱滅同姓故變滅言入也內謂所入之國非獨魯也魯國苟焉以入人爲志者人亦入之矣不稱氏者滅同姓貶也

秋八月庚辰公及戎盟于唐

傳例曰及者內爲志焉爾唐魯地

九月紀履緌來逆女

不親逆則例月重錄之親迎則例時○繡音領左氏作裂繡則

逆女親者也逆之謂自使大夫非正也以國氏者爲其來交接於我故君子進之也傳例曰魯國

以國氏進大夫以國氏國氏雖同而義各有當公于公孫襄君代位故去其氏族國氏以表其無禮命無知位之徒是也若庶姓微臣雖爲大夫不得爵

奉國氏以別之宋君之倫是也履緌以名繫國重其知成九年宋不書逆女以其春秋貴賤不嫌同族笑惡

不嫌同族左氏舍族之例或厭以尊君或貶以表著罪此傳聞公去即位以明讓莊公去即位以表繼著其文同而義異者甚衆故不可以一方求之○厭

反葉

冬十月伯姬歸于紀

伯姬魯女

禮婦人謂嫁曰歸反曰來歸嫁而曰歸明外屬從

外至反謂爲夫家所遣從人者也婦人在家制於父既嫁制

於夫夫死從長子婦人不專行必有從也伯姬歸于紀此其如專行之辭何也曰非專行也吾伯姬

歸于紀故志之也其不言使何也怪不言使履逆之道微無足道焉爾言君不親迎而大夫來逆故

其細故不言使履緌也

紀子伯莒子盟于密

密莒地○于伯左氏作于密

或曰紀子伯莒子而與之盟紀子以莒子爲伯或曰年同爵同故紀子以伯先也自以爲伯而先

十有二月乙卯夫人子氏薨

夫人薨例曰夫人曰薨從夫稱

夫人薨不地夫人無出竟之夫人者隱之妻也卒而不書葬夫人之義從君者也隱不書葬

鄭人伐衛

傳例曰斬樹木壞宮室曰伐伐例時

三年春王二月己巳日有食之

杜預曰日行遲一歲一月動物雖行疾一月一周天

能不小有盈縮故有雖交會而不食者或有頻交而食者唯正陽之月君子忌之故有伐鼓用幣之事京房易傳曰日者陽之精人君之象陽盛則明陰盛則暗則有日者食之災不救必有篡臣之萌

其救也君懷謙虛下賢受諫任德
日食之災為消也○為消于僞反

傳言日不言朔食晦日也其日有食之何也吐者
外壤食者內壤凡所吐入於內○壤在外其反舌闕
然不見其壤有食之者也今日關損而不知壤之
有內辭也或外辭也者外壤故曰外辭傳無外辭吐
義之文者蓋時無外壤也而曰或外辭者因事以明
其康亦無有食之者內於日也內於日以壤其不言
食之者何也知其不可知知也

三月庚戌天王崩

平王也

傳高曰崩梁山厚曰崩沙鹿尊曰崩天子之崩以
尊也其崩之何也以其在民上故崩之其不名何
也大上故不名也夫名者所以相別爾居人

夏四月辛卯尹氏卒

文三年王子虎卒不日此日者
錄其恩深也○尹左氏作君

傳尹氏者何也天子之大夫也外大夫不卒此何
以卒之也於天子之崩為魯主故隱而卒之隱猶

周禮大行人職曰若有大喪則詔相諸侯之禮然
則尹氏時在職而詔魯人之昭者不書官名疑其

識世

秋武氏子來求賻

天王使不正稱月今無君
不稱使故亦略而書時

傳武氏子者何也天子之大夫也天子之大夫其
稱武氏子何也未畢喪孤未爵喪在殯之未爵使之
非正也其不言使何也據桓十五年天王使無君
也桓王在喪未即歸死者曰賻歸生者曰賻曰歸
之者正也求之者非正也喪事無求周雖不求魯
不可以不歸魯雖不歸周不可以求之求之為言
得不得未可知之辭也交譏之

八月庚辰宋公和卒

天子曰崩諸侯曰薨大夫曰卒周之制也春秋所
稱曲存魯史之義內稱公而書薨所以自尊其君
則不得不得略外諸侯書卒以自異也至於既葬雖
稱許子男之君皆稱諡而言公各順臣子之辭兩
通其義鄭君曰禮雜記上曰君薨赴於他國之君
曰寡君不祿敢告於執事曲禮下曰君薨赴於他國之君
折曰不祿若薨赴而云不祿者臣子之辭卒是父壽
終無老無幼之心非臣子之辭鄰國來赴書以卒
者無老無幼之心非臣子之辭鄰國來赴書以卒

傳諸侯日卒正也正謂承嫡
冬十有二月齊侯鄭伯盟于石門

傳例曰外盟不
日石門齊地

癸未葬宋繆公

傳日葬故也危不得葬也天子葬七月而葬諸侯五
月而葬大夫三月而葬士二月而葬
傳例曰諸侯時葬正也月葬故也日葬者憂危最甚
不得備禮葬也他皆放此餘雖日文人元年傳曰葬

皆曰會言有天子諸侯之使共赴葬會葬公而凡葬宋
繆公者葬魯之事謂之命此常事無所恤其終
記卒記葬魯之恩義之所及則哀其喪而恤其終
亦有可卒矣若葬蓋外隔絕情禮而不交則卒葬無文或
則其文不葬國策之常也穀梁傳稱變之不葬有三
弑君不葬其文不葬國策之常也穀梁傳稱變之不葬有三
諸侯不能治臣子不能討雖之賊天下所當同誅而
守位之君喪事不成則不應書葬失德之咎宋無公以
發禮葬之問言伯姬賢而不足答共國內之咎弘家以
正家皆所謂去其葬而終禮宜貶者也于時諸國多
穆○繆公音恭

春秋穀梁傳卷一

